


# DECLARATION<sup>9</sup>

DV ROY SVR LE FAICT

ET POLICE DE LA RELIGION,

portant defense de faire presches &  
conuenticules en la ville, faulbours,  
& banlieuë de Paris.



*Charles IX*

A P A R I S,

Pour Vincent Sertenas Libraire, demeurant en la rue neu-  
ue nostre Dame, à l'enseigne S. Iean l'Euangeliste.

Et en sa boutique au Palais, en la gallerie  
par ou on va à la Chancellerie.

Et pour Iean Bonfons en la rue neuue nostre  
Dame, à l'enseigne saint Nicolas.

1 5 6 2

AVEC PRIVILEGE.

20497

26408

482.

Case

F

39

• 326

1562fd

THE NEWBERRY  
LIBRARY



**H** A R L E S par la  
grace de Dieu Roy  
de France, à noz a-  
mez & feaux les gēs  
tenans noz Cours  
de Parlement, Bailliz, Seneschaux,  
ou leurs Lieutenans, & à chascun  
d'eux sicomme à luy appartiendra  
salut. Estant assez notoire cōbien  
les subiectz de cestuy nostre Roy-  
aume se sont tousiours monstrez  
loyaux, fideles, & trefaffectionnez  
enuers les Rois noz predecesseurs,  
& iusques à nous auoir faict en ce-  
la tel debuoir, qu'il ne se peult di-

A ij

re que nul autre Royaume ait par  
la grace de Dieu trouué plus d'o-  
beissance de ses peuples, que celle  
que nous auons eüe: tellemēt que  
tant plus estrāge est il qu'à present  
aucuns d'iceux se soyent esleuez,  
mis en armes, & assemblez en grād  
nombre, comme nous les voyons  
en diuers endroictz d'iceluy, mes-  
mes en nostre ville d'Orleās, soubz  
pretexte d'vne crainte qu'ilz di-  
sent auoir que lon les vueille re-  
chercher en leurs consciences, &  
empescher qu'ilz ne ioissent des  
edictz & ordōnances pat nous fai-  
ctes, mesmes au mois de Ianuier  
dernier sur le faiēt de la Religion,  
les vexer & trauailler pour l'opi-  
nion qu'ilz en ont, & soubz ceste  
couleur attirent à eux aucuns de  
nosdictz

subiectz, Aufquelz ilz ont faiët  
prendre les armes, & d'autant que  
c'est chose trop éloignée de no-  
stre intention, & à quoy nous n'a-  
uons iamais pensé toucher, ne que  
pour cela ilz soyent inquietez ne  
molestez: afin que nul n'en preten-  
de cause d'ignorance de nostredi-  
cte intention, leuer & oster à tous  
nosdictz subiectz le scrupule &  
crainte qu'ilz en pourroyët auoir,  
& se puissent discerner ceux qui  
serōt meuz d'autre desseing & pas-  
sion, que du repos de leurs cōscien-  
ces & zelle de la religion, troublās  
cestuy nostre Royaume, & offen-  
sans nous & nostre autorité.

A v o n s par l'aduis & delibera-  
tion de la Royne nostre treschere,  
& treshonorée Dame & Mere, de



nostre trescher & tresamé oncle le  
Roy de Nauarre, nostre Lieutenāt  
general, representant nostre per-  
sonne par tous noz Royaume &  
pais, de noz cousins, les cardinaux  
de Bourbon & de Guise, Ducz de  
Guise, Montmorēcy, Conestable,  
& d'Aumalle, Chācellier, Seigneur  
de sainct André, de Brissac & de  
Montmorency, Mareschaulx de  
France, & autres bons, grans & no-  
tables personnages de nostredict  
Conseil, dict & déclaré, disons &  
declarons, Que nous n'auons mis  
ny mettons en doute ledict Edict  
du mois de Ianuier, ne au preiudi-  
ce d'iceluy entendu n'entendons  
qu'aucuns de noz subiectz soyent  
pour ceste occasion, ne aussi pour  
auoir prins & porté les armes pour

ledit faict, aucunement recherchez, molestez, ne trauaillez en leurs personnes & biës, Ce que nous defendons tresexpressement à vous & à chacun de vous: A la charge aussi de se contenir par eux, & viure pacifiquement, sans y contreuenir en quelque sorte que ce soit, sur les peines y contenues: sauf & excepté toutesfois en ceste nostre bonne ville & cité de Paris, faulxbours & banlieüe d'icelle, en laquelle nous n'entendons ne voulons qu'il soit faict aucunes assemblées publiques & priuées, ne aucune administration de sacremens en autre forme que celle qui est receüe & obseruée en nostre Eglise.

ET POUR CE que nous craignons qu'il y ayt aucunes opinions

ou craincte des simultez & inimitiez entre plusieurs de nōz subiectz, qui les pourroyent entretenir en defiance les vns des autres, & troubler le repos de nostre royaume, & tranquillité de nosdictz subiectz. Nous auons deffendu & deffendons à tous nosdictz subiectz, de quelque qualité & condition qu'ilz soient, qu'ilz n'ayent à peine de la vie à s'entrequereller, prouoquer ne offenser, les mettans en nostre sauue-garde, & baillans en garde les vns aux autres, pour viure doresnauant en telle paix, amitié & vnion soubz nostre obeissance, que nostredit Royaume, (tous portz d'armes cessez) demeure en repos & tranquillité.

SI VOVLONS & vous mandons



dons, que ceste presente nostre declaration vous faictes lire & enregistrer en voz greffes : publier par voz iuridictions, & du contenu iouir & vser pleinement & paisiblement tous ceux qu'il appartiendra : cessans & faisant cesser to' troubles & empeschemens au contraire.

Donné à Paris l'vnziesme iour d'Auril, l'an de grace mil cinq cens soixante & deux, & de nostre regne le deuxiesme.

Par le Roy, la Royne sa Mere, le Roy de Nauarre, Messieurs les Cardinaux de Bourbon, & de Guyse, Ducz de Guyse, de Mōtmorency Connestable, & d'Aumalle, Vous, les Seigneurs de Saint André, de

Brissac , Montmorency Maref-  
chaux de France, & autres prefens,

Ainfi figné DELAVBESPINE.

Et feellé du grand féel , en fimple  
queuë de cire iaulne.

*Leſta, publicata & registrata, audito Procuratore generali Regis, inſequēdo bonam voluntatem dicti domini Regis, & habito reſpectu vrgenti neceſſitati tēporis, & id totum per modum prouiſionis, & quouſque aliter per dictum dominū Regem fuerit ordinatum: abſque approbatione prætenſæ nouæ religionis.*

*Insuper ordinat curia quòd declaratio publicata ſexta die Martii vltimò lapſi ſuum plenum & integrum ſortietur effectum: iniungitque Officiariis Regis & aliis, quatenus illam obſeruēt ſecūdū ſuam formam & tenorem, & prout verificata & publicata fuit Pariſiis in Parlamento decimaquarta die Aprilis, anno Domini milleſimo quingentiſimo ſexageſimo ſecūdō poſt Paſcha.*

*Sic ſignatum DV TILLET.*

EXTRAICT DES REGI-  
stres de Parlement.

**L**A Court a permis & permet à Vin-  
cent Sertenas & Jean Bonfons, Li-  
braires demourā à Paris, imprimer &  
exposer en vente la declaration du Roy  
ce iourd'huy publiée, portant defences de  
faire presches, & cōuēticules, en la ville,  
fauxbourgs & banlieue de Paris, inhi-  
bant à tous autres l'impression & vente  
de ladiēte declaration, sans le gré, vou-  
loir & consentement desdictz Sertenas  
& Bonfons, sur peine de cōfiscation &  
d'amende arbitraire. Faiēt en Parle-  
ment, le X I I I I. iour d'Auril, lan mil  
cinq cens soixantedeux, apres Pasques.  
*Ainsi signé Du Tillet.*









